



kat. komp.

21583

III

Mag. St. Dr.

P

Tophorus Ioannes

Episc. Cusmiensis et Sambiens.

Præfatus Canonicus. Regularium S. Sepulchri Hierosoly-

mitani Conventus Michovicensis. Via clavis-

simas

PANEG. et VITAE

Polon. Fol.

№ 1390

VIA CLARISSIMA
^{Quâ}
CELSISSIMUM PRINCIPEM,
ILLUSTRISSIMUM REVERENDISSIMUM
DOMINUM DOMINUM,
CHRISTOPHORUM
JOANNEM
in S L U P O W

S Z E M B E K,
E P I S C O P U M

VARMIENSEM & SAMBIENSEM,
DVCEM & PRIMATEM PRVSSIÆ,

In primo sui felicissimo ad Cathedram Varmiensensem
I N G R E S S V,

Pedisequa Devotissima Religio
Ordinis Canonorum Regularium Sanctissimi
Sepulchri Hierosolimitani Conventûs
Miechoviensis

Ligatis in obsequium animis, pedibus & metris Poëticis
PRÆPOSITVM suum MIECHOVIENSEM
G E N E R A L E M,
B E N E F A C T O R E M
M U N I F I C E N T I S S I M U M,
votis ac faustis acclamationibus

C O M I T A T U R,

Anno Salutis 1725to Die 19 May

C R A C O V I Æ,
Typis Viduæ & Hæredum Francisci Cezary, S.R.M., Ordinarij Typographi.

In Stemma CELSISSIMÆ DOMUS.



21.583 ^{III}

Quò graderis Princeps sequimur: clarissima nobis.
Currentes Damæ dant documenta viæ.
Ad celos properant, has si comitabimur, unâ
Nobis ac illis, culmen Olympus erit.
Nec nos Saxosi retrahent à tramite colles
Sternetur nobis semita quæq; ROSIS.

Aliud.

Hæserunt CAPRÆ celeres ad Balthidis oras
Per freta num possent ocyus ire pedes
Si primis pedibus superastis culmina terræ
Postremis etiam transilietis aquas,
Currite felices trans vasti littora Ponti,
Nullibi meta patens æthera præter adest
Quò vos fata trahunt, quo nobilis entheat ardor
Ad numerum positus nos sequimur pedibus.



CELSISSIME
PRINCEPS,
ILLUSTRISSE,
EXCELLENTISSE,
REVERENDISSE,
DOMINE, DOMINE,
CLEMENTISSE.



Rimum Celsitudinis Vestrae gressum ad Varmiensem Cathedram, scandit metro pedisse-qua Religio Canonorum Regularium Sanctissimi Sepulchri Domini Hierosolymitani, ac de Diviniori illius Rupis vertice, quam veteris Parnassi venerabunda ad pedes procurrit. Deducit pedes Celsitudinem Vestram ad ipsas Balibidis oras, pietatis ac devotionis studio, quoniam Tulliano eloquentiae flumine, in vastum mare dicendarum virtutum, ac laudum Celsitudinis Vestrae descendere ac influere non valet. Meretur dispartita in Ducalem & Episcopalem Mitram, supra mortalium cætus erectior virtus Celsitudinis Vestrae, à bicipiti Parnassi culmine Phæbi & Musarum adorari: nam licet absoluerit innumeros cunctorum meritorum passus, deduci tamen debuit per numerum Pœseos, præsertim à nobis ligatis ac vinctis intra nexus beneficiorum Clientibus suis.

Parcet affectui nostro infra mensuram & modum posito, qui ausus est magnitudinem gloriæ Nominis Celsitudinis Vestræ, cōardare carminis sui angustis, quem prius intra viscera sua obstrictum tenuit. Reus est quod fimbriam Ducalis, Episcopalis, & Senatoriæ Purpuræ, plectri sui fide attigerit: sed quia pius & devotus, ducatur ergò vinctus inter captivos, ad plenius Ingressus Celsitudinis Vestræ ad Cathedram publicæ lætitiæ tripudium, & majorem triumphum: magis etenim gestiet inter tot hilaria populorum totius Diœcesis magnitudine gloriæ Celsitudinis Vestræ vinciri, quàm inertio otio solvi, & obrutæ silentio gratiæ convinci. Succumbit igitur magnitudini operum & meritorum Celsitudinis Vestræ tenuis Clio nostra, cujus mensuram carminis angusti, augustis factis suis excessit; & ad pedes Celsitudinis Vestræ supplex procumbit, ut ejus humile carmen benefico aspectu Pontificio dignetur. Divino illa Spiritu, ut potè in vivifico Sepulchro Domini agitur, prædicens fatidicè, nullam viam ad culmen Honorum, & meritorum futuram esse arduam & imperviam, quoniam immortalibus studiis mortalium, prius evehitur Celsitudo Vestra antequam illud adeat, & quam tituli Celsitudinem Vestram non faciunt Purpuratam, sed accipiunt. In hoc igitur vivifico Sepulchro alto gemitu Psalterij & Cytharæ die ac nocte non cessat collaudare Nomen Domini pro ingressu & progressu felicissimo, ut pro bono publico Ecclesiarum & Reipubl: annis meritisq; repletam Celsitudinem Vestram conservatam perenniter esse velit. Ita precatur

Illustrissimæ Excellentissimæ Reverendissimæ Celsitudinis Vestræ

Humillimus Clien

&

Obsequentissimus Servus

P. B. C. M. C.

C A R M E N

Magno & meritissimo Honori Pontificio
in solennibus ejus auspicijs ingressûs
ad Cathedram

DEDICATUM.

ORbis in Arctôô si Prussia terra Polono
Tempore præterito Trabeas fulsisse sacratas
Viderat in Summo, primo de sanguine creto,
Principe POTOICIO: pariter concluditur uno
Purpureæ vestis Sacro quo fulget in ostro
Majestas SZEMBEK: spectando Principe digna.
Purpura nunc visenda Rosæ, quæ flore venusto
Arvorum canam faciem, templiq; coronat,
Vndiq; puniceis augusta palatia fertis
Venit ab arcano; res optatissima cordi
Augusto reſerata ſinu; de flore Senatus
Præſul purpurei lectus, moderamine dulci
Ille Tuus flectet, Sacros ô Varmia fasces,
Inſolitas miraris opes. Præneste beatum,
Floribus ex cultis, Pæſtana Roſaria paſſim
Hiccine Sol aperit tandem flammante ſacrato
Quo caluere dies oſtro? Zephiriq; ſereni
Principis ingreſſu ſpiracula dulcia toto
Effudère polo: ſit jucundiſſima rerum
Momento facies, ſonat æther, ſidera plaudunt.
Ite triumphales pro noſtro Principe voces.
Varmia mille canit ſacra teſtudine vivat,
Tot meritis donisq; Caput prænobile vivat.
Hæc Pæſtana diu vivat Celſiſſima Proles.

In plauſus effuſa novos, en obvia Gentis
Tota Tibi devota cohors, en agmine fuſo

A

Ster-

*Ex designa-
tione Regiæ
transferitur
ex Episcopatu
Premisliensi,
ad Episcopa-
tum Varmi-
ensem A. D.
1722do.*

Sternit iter lätum : festas florumq; procellas
Inq; viam spargit : manibus dat lilia plenis.
Quis decor hic ? quæ grando calens ? quæ gratia tanta ?
Copia quæ rerum ? dùm ruptis nubibus imbres
Lætitiæ : subitâ florum cecidère procellâ.
Sufficit iste Tuus splendor. Tu veris amœnas
Circa nos aperis gazas : Tua flamina nostras
Spirantes animant fibras, & barbita Phæbe
Quæ Te non claudunt, plectro majore canendum.
Nam visendus ades carus, cui gratia præsto
Ore præit placido ; specie totusq; decorâ
Mentibus occurris. Pro Te dulcedine mirâ
Perfusus animis Musæ, Charitesq; laborant.
Inq; Tuo suspensa gradu præcordia nostra
Cordaq; cuncta patent. Te summus & omnis
Sublimem dat amor. Redimiti mille coronis
Imus ad Entheos raptus, Tecumq; calemus
Igne Tuo, festisq; Tuis ad festa Cathedræ.

En jam Pierides quarum Parnassia rupes
Numine tota sonat, nunc Te, Trabeamq; decoram
Vellere purpureo, spargentem fulgur in auro
Virtutum, vario condistinctamq; colore,
Pastorem vigilem cantant, testudine Sacra,
Os charitumq; canit : totus quoq; concinit Orbis
CHRISTOPHORI cellsum Magni cum sanguine Nomē,
SZEMBEK purpurei flos nominis, ergò JOANNES
Mentis ebur niveæ, terfissima gratia salve :
Gloria Sarmatiæ, pretiosaq; gemma Coronæ,
Et Cleri pariter cuncti Tu gemmea salve.

Virtutum sublimis apex : cælestia dona :
Excelsæ dotes : terrenaq; culmina quævis
Quæ Te circumstant : quibus exornatis in auge,
Non capit hæc testudo minor : formidine justâ
En tremulum contrectat ebur : dextræq; calores
Non sentit vatis genius. Sculpenda columnis
Nomina, victurūq; decus, cedroq; notandum
Æternum quodcunq; geris, numerinè coarctant
Carminis angusti ? numeros absolvis & omne

Hu.

Humanum superas cælo vicinior ipso
Culmen cum rosea Tu Majestate decorus.
Ponè supergresso si culmina quæq; coronas
Vertice, sis plectri major laudumq; corona:
Purpura Tu calami, pretium, Tu maximus ex Te,
Tu cytharas animosq; moves Tu dulcis Apollo.
Maxima congeries Præsul svavissima laudum.

Sanguinis ergò Tui per septem clara Trionem,
Quanta vetustatis sit gloria, ducta per ævum
Nexibus antiquis, & non consumpta tot annis,
Nec tantâ rerum serie: nam CAROLVS ille
Magnus in occiduo restauratoq; potenti
Imperio Cæsar: quando post ardua victus
Prælia, Saxo ferox, ejus fractusq; triumphis
Cesserat in spodium: jam tum victricia signa
SZEMBECIVS Mavors tulerat, per dissita regna,
Sive per Hesperias cultas, Latijq; per arces
Per populos Istrum, Rhenum Rodanumq; bibentes,
Irruit in strictos enses, in vulnera pectus
Obtulit, & mortem: cupiens per cædua busta
Ire cruentatis ad Nomina clara trophæis.
Heroæ mentes, non claudebantur in uno
Climate, SZEMBECIDVM: sed postquâ creverat inter
Lilia Gallorum culti nitidissima Regni
Inclyta Progenies; varias diffusa per oras
Teutonicas demum petijt: quin pulchrius illa
Transplantata solo Patrio, præclara Rosarum
Germina, vitales Plantæ, Reginaq; Florum
Vernarent longo terris cælisq; virore.

HENRICOS fileam, fileam Te CAROLE Quarte,
Cæsareæ quibus Imperij cessere Coronæ
In Caput augustum: sub quo diademate Vestro
Vidit SZEMBECIOS Alemannica terra nitores.
Tu MAXIMILIANE mihi, Tu proximus instas,
Tu cytharamq; moves, per tesqua, per antra ferarum
Dum caperes prædas: virtutis grande theatrum
SZEMBECIIS Capris, Te composuisse fatemur:
Ex quo decurrunt meritorum passibus æquis

Par Damis spatium per summum culmen Honorum.
Ipse levaturus curas venatibus, ibat
Cæsar in abruptos montes, saltusq; ferarum,
Alternis mentem vicibus recreare paratus:
Ponè sequebatur propior præclara Juventus
Et Comites lateris Domini. jam ductile cornu
Bella ciet: jam turba canum, fortesq; Molossi
Jam spelæa petunt: sævisq; latratibus urgent,
Cæsarei nemoris læti, densissima latè
Robora, Sylvanumq; Domos, Satyrosq; fugaces
Ingenti rauci strepitus clamore fatigant:
Jam venator adest, tremuli, pavidiq; timores
Cautibus, & Sylvis, ipsis & frondibus hærent,
Quidne feris pulsus? horret genus omne ferarum.
A canibus quo pulsa volat, quo bellua currit,
Huc Cæsar Spectator adest: ciet ipse Molossos
Insequitur celetes damas: prærupta patebant
Rupis in occursum. cernit propè limina fatum.
Jam raperet prædam Dominum Libitina potentem
Ni sibi SZEMBECIVS præstasset rebus in arctis
Auxilium: lethiq; vias clausisset apertas.
Cæsaris evasit casses, cum Cæsare salvo
Dama nimis felix: sed non evaserat omnes,
Incidit in Roseos antiqui Stemmatibus hortos,
Et stetit in titulum servatæ præda salutis.
Non saltus jam sed summos percurrit Honores
In seros revehens decus immortale Nepotes.

Quiq; per Imperij tractus, longosq; recessus
Iverunt, quo celsa viam per fortia virtus
Sentibus & spinis stravit: quo Martius ardor
Impulit ingentes animas, quo Classica fortes
Oblectant mentes. Hinc per longissima rerum
Et famæ monumenta suæ, palmaribus actis
Implevere polos, totumq; à Gadibus orbem.
Flammeus ille tamen fervor virtutis ad intra
Vno stare loco nunquam potuitq; teneri.
Nec restinxit aquis Albis, nec Rhenus, & Ister.
Ardorem mentis zelantis nomen honestum.

Verum limitibus ruptis, latissima quæq;
Æquora camporum, quæis latè terra Polona
Vbere feta penu, segetumq; per aurea Tempe
Expansosq; sinus, & per viridantia prata
Fundit opes: & bellorum decus omne Polonum
In plano posuit, statuitq; patentibus agris,
Has petière plagas. istis Heroibus apta
Visa cruentatis tellus ornata trophæis,
Protinus ut viso subito risère Poloni
Flore novo campi, plani per aperta jacendo
Pandebant stadiumq; Viris, ad Olympica natis.

Rege SIGISMUNDO victricia Sceptra tenente,
SZEMBECIOS Lechici virtus, & gloria Martis
Fecerat Augustas Aquilas Regisq; potentis
Regia castra sequi: quo belli duxerat ardor.
Ivit ALEXANDER promptus discrimen in omne
Adversas acies contra: per mille periëla
Perq; strues Martis, calcatae mortis acervos
Prodigus ipse sui; tanto spiramine cordis
Bella ciens vasto; proprium spiramen ut ipsum
Pro Patria tulerit caræ in dispendia vitæ.
Nusquam deposuit clypeum, galeamq; madentem
Sanguine, quam semel induerat; sed totus in armis
A teneris gladio non exarmatus Achilles
Nec belli cedens oneri. sub pondere Palma
Altrior ut surgit: pariter præstantior ipse
Eminuit. Seu mavorum cum MICHAËLE rebelli
Dacicus incubuit gravior, Ductore JOANNE
ZAMOYSCO celebri Mavortia signa regente,
Supposuit validos humeros, retulitq; triumphum,
Sive Sudermanus Livonica bella gerebat,
CAROLE CHODKIEWICZ Tua quâdo Clava suprema,
Agmina Lechiadum contra cogebat in hostem,
Roboris Herculei Suecus quam senserat esse:
Tunc Heros habuit volupè, sub cespite duro
Excubias vigiles & fixâ stare sarisâ,
Figere Victorem gladium sub pectore victi.
Successère dein cum Moscho prælia sæva:

*Regnante Sigismundo
Augusto adventus Szembeciorum in
Poloniam.*

*Alexander Szembek in
expeditionibus varijs
bellicis summa virtute
celebris.*

*Contra Michaelem Moldavum sub
Joanne Zamoyseo strenue decertat.*

*Contra Sudermanum Suecum in Livonia Duce
Carolo Chodkiewicz.*

*Occubuit
Alexander
Szembecius
in obsidione
Smolinsko.*

*Alter Frater
Hieronymus
in iisdem ex-
peditonibus
fuit.*

Obsidione gravi premit hostem: vulnera spernit.
Augustis oculis coram, facieq; Polona
Castrorum totâ: dum fortia clamat, & ardet,
Martis in ardenti Patriæ, cadit hostia busto.

Occubuitq; , ciens pulchram per vulnera mortem.
Exitit hinc rosei pulcherrima purpura Floris
SZEMBECIJ, nec sponte rubet: sed tingitur ostro
Sanguinis effusi, flos spectatissimus Orbi:

Hoc demum palmare ratus, sic ponere vitam
Vt Patriam caramq; Domum servaret ab ictu
Fatali rerum. nobis monumenta relinquens

Digna cani. Virtute pari tractaverat alter
Hæc eadem Frater dextris HIERONYMVS arma
Coniunctis victricibus: hi duo fulmina belli
Scipiadæ: geminum par: in certamina ferrum
Stringebant promptum. famam lateq; Gradivi
Auxerunt Lechici, per tela cruenta per enses,
Per tot contemptas mortes. Hinc Clima Polonum
Jam cernit roseum per grandia sacra Nepotum
Affulisse decus Patriæ: quo sanguis amicus,
Viscera possedit Lechiæ Sellasq; Curules,

Majorum Ceras quibus Orbis secula vidit
Prisca coronari longinquo Sole calentes
Ornariq; plagas: quantum longæva Nepotum
Extulit ad culmen Summum, Sortemq; beatam
Progenies: pietate pari, belloq; paratam.

Trivit inaccessos calles per summa laborum
Invia; bellorum per tot discrimina mille,
Perq; cruentatas acies, per gesta Gradivi
Heroas mentes ducens SZEMBECIA Proles,
Pugnaces animasq; ferens. Spirasse Leonem
Præclaræ sobolis Genium totumq; Gradivum
Castide vestitum rigidâ conspexerat Orbis.

His basibus solidis, forti virtute locatis,
Celso succrevêre tholo fastigia stirpis,
In tantam molem: ceteri dum radicibus altis
Accrescens, serpensq; diu per viscera terræ
Arboreæ molis patulas extollit in auras

Præ-

Prægrandes ramos, quando Celsissima Cedrus
 Nubibus exæquans humeros, cælestia tangens
 Sidera, de Libani protendens vertice summo:
 Haud aliter sublime Caput, robustaq; late
 Colla tulit: fatiq; suis animosior ivit,
 Grandior adversas post eluctata per auras
 Planta Domus Rosæ: quæ summum crevit ad usq;
 Culmen Lechiaci Majestatemq; Senatus.
 Celsior & quis erit vertex? fastigia quænam
 Verticis audebunt paribus certare cothurnis.
 Altior est terris, Caput inter sidera condit
 Hæc Rosa SZEMBECIDVM: latas quæ tendit in oras
 Frondosos ramos: superos quæ pascit odore:
 Et cujus placidâ populi spatiantur in umbra.

Submittis lenes humeros & fortia Stirpis
 Brachia cum ramis Tu nubibus æmula tollis
 Culminis in summo positus FRANCISCE Parentum
 Fortunate nimis, fecunda Prole beatus
 Tu cantandus ades, cujus robusta diuq;
 Eximijs crevit meritis, altissima virtus,
 Excelso visenda polo Patriaq; theatro.
 Sensibus à nostris, longè non esq; remotus,
 Cordibus in nostris Tu spiras flore recenti
 Spirabisq; diu vivæ virtutis odorem,
 Par Atavis, Proavisq; Tuis. imò unicus in Te
 Tot meritis, titulisq; Viros insignibus, omnes
 Claudis, & æternæ consignas omnia famæ.
 Nempè Tuum pectus totum cum Pallade docta
 Implevit Consus. veterem Tripodemq; Poloni
 Hunc coluere suum: pro Majestate Coronæ
 Divinos sensus, oracula digna locutus,
 Et quæ marmoreis fuerant sculpenda columnis.
 Hic pacis curas, pariterq; negotia belli
 Maturâ ratione librans, cum fine decoro
 No- vit sanguinei palmas connectere Martis
 Pacificis oleis, digno conamine mentis,
 Gloria Sarmatiæ Libertas. Splendor, & omne
 Consilij robur, præclaraq; norma Minervæ;

Illustrissimus
 Franciscus
 Szembek Ca-
 stellanus Ca-
 menecensis,
 Pater illu-
 strissimus.

*Notarius pri-
mo fuit ter-
restria Pala-
tinatus Cmc.*

*Ad generalia
Regni Comi-
tia ex Eque-
stri ordine
Nuntij mu-
nere sapius
functus.*

Aurea melliflui dulci cum nectare svada
Pectoris electi penetralibus, inq; probato
Condita cuncta sinu, decora infinita Paterni
Hæc fuerant animi, conclave Sacrumq; tenebant.
Hinc Civilis amor calamum sacraverat illi
Craciacæ terræ, quo felix, juris aviti
Factus Patricium culmen, tum Regula Legum.
Hic ubi Libertas, præclara Senacula pandit
Nuntius existens; toties se purpura Svadæ
Illius in roseo vultu, facieq; Senatus
Explicuit: sensuq; gravi, vultuq; Togato
Nec sibi flos oris tantum, Pæstanaq; mirè
Gratia mista rosis, fecundo germine vernans
Dulcis erat: verùm trepidis sed rebus in ipsis
Hunc gravitas fundata Virum, candorq; fidesq;
Et veri sincerus amor solidaverat ipsum.

Regia FRANCISCVM cernens lux aurea mentis
Os dictis, animumq; parem pro munere ferre
Confestim statuit, cui Præfectura Becensis
Pro meritis fieret carum cum munere, lati
Ominis auspicium Trabeæ, Sellæq; Curulis
Et decretus Honos stetit, ut radiaret in auge
Sarmaticæ lucis virtus, quantocyus, & se
SZEMBECIJS consors vestiret Purpura Ceris.
Ergò iudicio summo censura JOANNIS
Invicti Regis cum Te FRANCISCE probasset
Post impensa bono Patriæ tot munera, totq;
Obsequij partes impletas, grandia facta,
Infessum toties Regni sublime Tribunal,
Decrevit: Castellanus Sanocensis ut esses,

*Depuratus
multoties ad
Judicia Tri-
bunalis Regni.*

*Fuit Castella-
nus Sanocen-
sis.*

Legit, is ad Patriæ Trabeas, lectissima corda
Exactus Iudex, & Dispensator Honorum,
Divinusq; Tripas, Regni tranquilla potestas,
Bellator, Patriæq; Pater, Supremus ubiq;
Victor, & adversos armis, quos vicerat hostes,
Rex & amore Patris vincens Civilia corda.
Quanta Vienna Tuis firmis sub mænibus ipsis
Monstra, catervarum portentosiq; Gigantes

No-

Nostris incubuere plagis: cum turbine saxo
Machina bellorum, grandis Tytania mora,
Vndiq; terrarum commotus Thracius orbis,
Detonuit. quidquid Lybicas, & Persidis oras
Euphratem Maurosq; sinus Gangemq; Tigrimq;
Accolit: & quidquid Cancrī torquetur ab æstu,
Quidquid Olympiacos colles, Pindumq; fatigat,
Cycladas & Graium, formidandamq; Mæotim,
Tempestat Orientis atrox, & mole tremenda,
Et gravis ipsa sibi, totum cum gentibus Orbem
A fundo movit. Regnorum summa Charybdis
Biston atrox. immensi Christiadamq; cruoris
Tot jam diluvijs nondum satiata vorago,
Perniciem minitans populis, à cardine motas
Immensas Asiæ vires, & castra stupenda
Intulit Hunniacis, & toram fudit in oris
Colluviem Martis: diductis faucibus ingens
Helluo Regnorum, qui Mænia tota Domosq;
Oris ut ingenti subito rapientis hiatu,
Et rictu valido, totum sorberet in uno
Orbem Christiadam, voto decrevit iniquo.
Bistoniam contra rabiem, contosq; Gelonum,
Quis stetit intrepidus? quis fortia tela retorfit?
Res propè concussas, & fractas cardine toto
Quisnam restituit? cælos ipsosq; ruentes
Sustinuit? validis humeris & Principe dextrâ?
Inconcussus Atlas, invictus Stator, & armis
Vnio Christiadam, victoria tota JOANNES.
Bellipotens Mavors, Orientis Victor, & Vmbo
Maximus Europæ Princeps, furialibus armis
Regalem Clypeum quò non præstantior ictus
Vllus ad hostiles stetit impenetrabilis Vmbo
Opposuit. contraq; truces ceu monstra Medusæ
Et vastos hostes, quæis nulla potentia par est
Viribus eminuit. peruastrâ mole furentes
Diruit Encelados: & lento turgida fastu
Æternum lugenda probro, velut icta trifulco
Fulmine, comminuit feralia castra focosq;.

C

Et

Et Regis quamvis dextrâ contrita potenti
Castra fuere tamen Vezyrus barbarus ausu
Restituit gemino: vires collegit ad Istrum
Strigoniumq; furens: sed bina sorte Gradiui
Sarmatici cecidit juncti cum Caesaris armis.
Victoris gladius, quos non absorpsit in ictu,
Vorticibus Thraces rapuit, merfitq; profundis
Vltor Danubius. Lymphatum sicq; cruorem
Illa suum, sitiens nostrum, lymphata Propontis
Ebibit: & proprio mansit submersa cruore.

Quo feror attonitus? Genij quò barbiton extra
Flamine corripitur? dulcis nos entheat ardor
In longinqua rapi, quantum feror, en feror illuc
Ad Camenecensem rosei quo tramite floris
Te voluit dignum censuræ Principis ingens
Gloria, promeritam sublimiùs ire Curulem.
Summa Tuæ laudis, virtutum Lydius ille
Exactusq; lapis, quò de meliore metallò
Cor FRANCISCE Tuum, putam mentemq; probavit
Ille Coronarum Trabeatus Censor & Argus
Sufficit. hic Regalis apex operumq; Corona,
Eximias justo qui sublimavit honore
Ac Titulis dignis dotes ornaverat in Te.

Verùm splendores cuncti, terrenaq; quævis
Culmina, cellus Honor, fortunarumq; nitores
Quos habeant latices? & fontis origo perennis
Quæ sit? & unde fluant? quæ sit mentura decoris
Purpurei? certè pietas, & candor eburnus
Innocuæ mentis: cor simplex & zelus Honoris
Divini. Vigiles curas habuisse Parentem
De Superis: Superi sic prodiga dona vicissim
Effudère super denso currentia nimbo.
Ampla sat erectis Sacris impendia Templis
Numinis in cultus tribuens, & viscera pandens
Tota DEO: ceu dùm fulvas profundit arenas
Tempestas pretiosa Tagi: vel stagna rubentis
Aurea Pactoli rutilum dum litus inundant,
Fundebat potiore sinu, regalia dona,

In

*Ab eodem.
Serenissimo.
Joanne III.
Rege immen-
sèrur ad Ca-
bellanatum.
Camenecen-
sem.*

In Divos, Sacraſq; Domos, & Templa Tonantis.
 Veris his opibus gaudens, quas ſparſit in uſus
 Seraphicos FRANCISCE Tuos, Fratrumq; Tuorum.
 Hic poſtquam roſeis CASIMIRO lilia caſta
 Plantaffet manibus: Superos tribuiſſe fatemur
 Seraphicas mentes Natis, & pectora caſta
 Quos ſervat pietas clauſtris, quos Infula Sacra
 Contegit: exornat Lechicus quoſcunq; Senatus,
 Ut verumq; canam: Numen promiſſa rependit,
 Divinum: poſuitq; Domum ſplendoris in auge.
 Et Zielenicenſes Magnæ dum Virginis ædes
 Commemoro, quarum roſeis altaria ſertis
 Cinxerat. Alma DEI felici prole beatum,
 Nonne coronavit Mater ſecunda? marisque
 Dives Abyſſus, fons pietatis, origo bonorum.
 Gloria quanta DEI! cordis ſolatia quanta
 Magna Patris! Natos ſi vivens is meruiſſet
 In tot Præſuleis claros ſpectare Tiaris!

*Templum S.
 Caſimiri Re-
 formatorum
 PP. extruit.*

*Templum
 Zielenicene.
 B. M. Virgi-
 nis ædificat.*

Ille maritali conjunctam fædere Sacro
 Fecerat in vitæ ſociam de ſanguine natam
 Odrovoſiano quæ ſpectatiſſima facta
 Viſa Palatinis Trabeis in Fratre JOANNE
 Siradijs poſito fulgentis in auge Senatus.
 Sanguine Magna ſuo, major virtute Lacæna.
 Digna tot ex titulis, verum digniſſima longè
 Grandibus ex meritis, Natorum norma pudoris
 Et ſpeculum pietatis, amor veri; probiq;
 Maxima quàm fuerat, nunc dignoſcenda per ævum
 Dotibus ex ſummis Proliſ, Trabeisq; relucet.
 Recti Formatrix animi, morumq; Magiſtra
 Mater candoris, virtutis, & aurea vitæ
 Regula. Nimirum Superos ſi ſanguine tangat
 Nexibus antiquis juncto, cum flore Beati
 Flore Marianis Hyacinthi dulcibus olim
 Delicijs digni, quidni non tangat & ipſum
 Connexum ſimilem morum, dotumq; decorem.
 Fragens floris odor Te ſpectatiſſima Mater
 In cælis, terrisq; manet: victura decores

*Coniunx illi-
 us primi voti
 fuit Sophia
 Illuſtriſſima,
 Soror Odro-
 vaſi Picnia-
 jek Illuſtriſ-
 ſimi Palatini
 Siradienſis.*

*Nati ex ea
filij illustrissi-
mus Præla-
us Castellanus
Voynicensis,
Stanislaus
Primus Regni
Michæl Suf-
fraganeus
Cracov. Epi-
scopus Pa-
phenfis, Ab-
bas Tynocen-
sis, Antonius
Szembek Ca-
nonicus Crac.
Rosalia Mo-
nialis Car-
melitana, Te-
resa Monia-
lis à Visita-
tione.*

Inter odoriferos florum, pulchrâq; Rosarum,
Ex Te Natorum jugiter stipata, coronâ
Stabis in Elysijs campis: Natusquè, Curuli
Te Voynicensi nitidam super astra locabit,
Alter succendet flammis pia thura Sacerdos.
Archîq; præfuleæ, Te Præfuleæq; Tiaræ
Conspicuum reddent. Tibi Sponsa Rosalia CHRISTI
Seraphicum Sidus Carmeli vertice splendens,
Et puri cordis TERESA Salesia Virgo,
Cælestes hymnos & dulcia cantica psallent.

Linquimus interea portum pelagoq; volamus
Alto SRENIATIO, de quo RVPNIEWSCIA Mater
Surgit Nympharum pulcherrima, Gratia tota,
Et Charitum Mater, votis conjuncta secundis
Cum Castellano primæ post fata Maritæ.
Hic jam Thespiadum fontes, Cyrræq; fluentia,
Bellerophonteo Sonipes quæ fodit in ictu,
Vatum deficiunt: velut absorbentur in uno
Oceano magno fluvij: SRENIATIO amnis
Sorbet inexhaustas sic vasto gurgite laudes.
Non tantas Neptune spuis per littora gemmas
Dives Erythreis quantas SRENIATIO undis
Fundit opes: nec tam morientia vota Coloni
Nile Tui reficis: tribuis vivumq; vigorem
Exaridis herbis: quantum felicior iste
Sarmatiæ Nilus, longè, latèq; refusus,
Langventes populi vires vegetare paratus,
Vitales supplendo vices, vitæq; medelam.
Hinc aridam, tremulamq; sitim, propellit ab ægris
Corporibus miseræ plebis, reficitq; perenni
Irrigui fontis jugiter manante scatebra.
Hinc sinuat cursus, sursumq; fluentia retorquens
In cælos supra violentior influit ipsos.
Dum pietate Sacras Diuum circumfluit aras
Et quæcunq; suis intus pretiosa lacunis
Continet: hoc totum, læto de viscere fundit,
Grandinat & gemmis, rutilanti spumat & auro,
In cultus Superum: Eridano sublimior ipso.

Heroum classes vehit : & victricibus armis
 Ponti se gelidis nunc Volgæ finibus infert.
 Irruit inq; Tyram : nunc carpit Balthidis oras,
 Martia belligeræ stirpis, vestigia linquens
 Vndiq;, victrices circum sua littora Palmas
 Irrigat, & refovet, Martem spumantibus undis.
 Hic vitreas ripis vernantibus undiq; Sedes
 Thespiades fixere sibi : felicior inde
 Musarum Domus hæc, quò purior est Aganippe
 Fontibus antiquis, licuit quos more Pelasgo
 Priscorum gravidis per somnia gignere curis,
 Dulcior est Musis Helicon SRENIATIVS iste
 Ac potior cunctis, Charitum Phæbiq; voluptas.
 Ergo Pierides quidquid Permessidos undæ
 Vestra fluenta valent, id totum defluat omne
 In memores animos : ut Thespia barbita vestra
 SRENIAVIAS undas suavem fontemq; coronent.

Gemmifero hoc prognata freto RVPNIEWSCIA Mater,
 Mater gemmarum, Procetes quot protulit Orbi.
 Tot peperit gemmas, & gemmea corda Virorum.
 Ambit eam gemmis, rutilis ac mille pyropis
 Ex se Natorum circum pulcherrimus Ordo,
 Ac velut auratò quoties inclusa monili
 Gemma nitens semper majus jubar exerit orbi.
 Sic rutilant ejus chari de pectore Nati,
 Dotibus eximijs. Sic Cancellarius ô quam!
 Principis & Patriæ carum cor ! gemma Sigilli
 Nobilis, ac præstans, quem virtus extulit ipsa
 Et pieras, & cana fides, & rebus agendis
 Pervigil, ac prudens animus : meritusq; tot annis
 Majestatis amor, sic gloria temporis hujus
 Pontificum Præsul decus & tersissima gemma,
 CHRISTOPHORVS gemmis solidis auroq; notandus
 Fulget ALEXANDER meritis, pulcherrima nostræ
 Portio Sarmatiæ, decorat quem gemmea virtus;
 Qui Dapifer Regni, placidi dulcedine cordis
 Plus condire solet Regis, quàm nectare mensas.
 O dulces animæ ! quantæ dispendia lucis

Ex Illustrissi-
 ma Rупniew-
 scia susce-
 pti filij Illu-
 strissimi Jo-
 nes Cancellarius
 Supremus
 Regni, Chri-
 stophorus
 Præsul &
 Dux Varmi-
 ensis, Alexan-
 der Dapifer
 Regni.
 Ludovicus Se-
 cretarius
 Regni.
 Franciscus
 Dapifer. R.

Nostræ fecistis! LVDOVICE JOSEPHE Parentis
Cara sui Proles, nec non FRANCISCE Poloni
Gemma nitens Regni. Jam Vos clarissima Cæli
Possidet immensi Lux; splendoresq; tenetis
Tanto majores: quanto minus usq; profanæ
Luci debetis Divinâ Luce beati
Hosce Polona suos reputat Cornelia Grachos,
Ditibus è gazis pretiosa monilia Natos.

Hic jam post cantata mihi decora alta Parentum
Tu Præsul superes non una laude canendus.
Si generis fecit Magnum Te, gloria; verum
Dotibus ex animi multo sublimior, atq;
Eloquio quovis digno pretiosior extas.
Flos index animi primus prænuntius alti,
Jam teneræ mentis fuerat maturus in ipso
Flore juventutis: quando Tua mascula virtus
Innocuos mores tenuit, ferventis in æstu
Ipso naturæ, primis ætatis in annis
Sirius Elysiæq; Tuas puras nec adussit
Delicias veris: sed blando fidere fovit.
Nec mirum: melius Tibi quàm Berecynthia Mater,
Mater odoratis manibus cunabula sternens,
Fasciolas inter Pæstana Rosaria sparsit,
Lilia mista Rosis: cum Te lactasset ab ungue
Moribus in niveis, castissima norma pudoris
Mater formatrix animi RVPNIEWSCIA casti,
Atq; verecundi, roseæ virtutis amore
Purpureus primis veniebas totus ab annis:
Totus amor factus populi, totusq; venustum
Lilietum pacis: bonitatis suave Rosetum.
Svavis in Officio, responsis dulcis ad omnes
Comis & ex facili veniens in pectora ductu.
Flore sub innocuo spirans mera lilia, vitæ,
Felix ingenio, rerum felicior usu,
Virtutum, studijq; capax, generosus utroq;
Cultores animi coluit: quos Regia Pallas
In Jagellonea Doctorum sede coronat.
Eximios, doctosq; Viros, morumq; Magistros.

In academia
Cæci ab Exi-
mij viæ &
doctrina Ma-
gistris literis
eruditur.

Inter

Inter Vavelcas arces, & littora Craci
 Hic pueros latices doctrinae, dogmata sacra
 De Jagelloneis castis, purisque fluentis
 Hausit cor sapiens ejus, tenuitque Camænas.
 Nobilis ast Genius sitiens majora sciendi,
 Altiùs antevolans studiis pernicibus ibat,
 Ibat in Ausonias terras, ubi Pantheon unum
 Vnaque totius series, & porticus Orbis
 Roma triumphatrix, cælestibus æmula tectis
 Sanctior arcanis, & doctior mille Pelasgis.
 Imperij verum docti, cultique Penates,
 Hunc tenuere prius, Pragæ subsistit, & ante
 Olmutij studiis statuitque vacare Sophorum.
 Ardor inextinctus, tum virtus æmula laudis,
 Discendi stimulus fuerat, par mentis honestæ.
 Hinc igitur patiens noctuque diuque laboris,
 Socraticas noctes, & quidquid docta Cleanthis
 Lampas habet, splendens, id consecraverat arti
 Palladiæ. Logicæ si cæca sophismata solvi
 Contigit, ex facili victor: semperque triumphum
 Et primas meruit palmas, & in ordine primus.
 Postque soluta brevi doctæ confortia Stoæ.
 Hinc Laurus geminæ frontem cinxere coronæ
 Et Doctoris apex magno sibi cessit honore.

Olmutij &
 Praga Philo-
 sophia dat o-
 peram.

Ultra per celebris populi lustrata Lycæa
 Per Gentes Rhodanum, Scaldim, Ligerimque bibentes
 Palladias hausit magnis fervoribus artes,
 Et pueros latices, quales Sorbona ministrat
 Doctrinae Sacrae, sitiens, adiitque Sequanam
 Hic illi potior sapientia, primaque visa
 Premere Doctorum vestigia prisca Virorum
 Qui veterum servare Patrum, quo tramite ductum
 Collimaret iter norunt: laudataque sæclis
 Vera sequi, virtute pari, fidoque labore.
 Et patuit fructus dum Præsul dogma recentis
 Jansenij binæ Synodi Chelmaque Premislæ
 Legibus ipse suis reprobum, Patrumque probavit
 Et jam quâ priscis se collibus altius orbi

Parisiis &
 Romæ Theo-
 logia studet.

Romam proficiscitur.

Vaticanus apex Romana tollit in Vrbe.
Et qua Tyrrhenum vasto latus unda flagellat
Circumvecta mari veniens pietatis amico
Fædere conjunctus, sacris intentus agendis
Ardebat potiora sequi, cum Pallade totus,
Totus & ipse Sacer. Floræ non culta venustas
Non lætus Campanus ager, non vasta Theatra,
Non gratum Tibur roseum, non Irala Siren
Grande Laertiadis pectus lethalibus olim
Quæ flexit modulis; aures oculosq; patentis
Nec tenuere suos: sed cælo mente propinquum
Se virtus Heroa tulit, super omne creatum,
Se toto curis animo caelestibus addens,
Et sitiens aras, ad mystica totus anhelans
Fercula: Convivamq; DEUM flammantibus arsit
Intensus stimulis. Quoties prostratus ad aras
Corq; DEO Divisq; tulit, contriverat illud
In dulces gemitus. O quantum dulcia fixit
Oscula liminibus Sacris! & busta sacrata
Sacratos Cineres Divum veneratus & Aedes
Demissis genibus supplex, ex viscere toto
Cor animamq; suam fudit pietatis amore.
Cunctorum mentes rapuit dulcedine morum
Et sensus placidos vinxit, meruitq; favores.
Maximus ille Pater Sacrotum Gloria Clemens
Præsentem Romæ totum cognoverat intus
Consort Divinæ mentis: sensuq; profundo
Eximias dotes animi dilexerat ante,
Sacris condignum Trabeis in mente notavit.

*Visitavit septem
Ecclesias, aliasq;
frequenter.*

*Roma moratur, & à
Clemente XI.
ex ingenuis
dotibus ad-
matur.*

*In Patriam
revertitur.*

Interea linquis Latij Capitolia: totus
In desiderijs Patriæ, jam totus & inter
Cætorum dulces complexus; mente revolvis
Ingenia, affectus hominum, commercia lingvæ,
Imperij normam, Census, populi arma, situsq;
Hinc præstans animi cultus, prudentia rerum,
Enituit: primò teneros formata per annos.
Subq; peregrino dulcis sapientia Sole
Lucidior venitq; Tibi, quæ sita labore

Egre-

Egregio Præsul. doctæ cultura Minervæ
Dives, & exundans diversas parta per oras.
Argo tulit pretium Phrygiæ si velleris olim
Cum repetisset ovans victâ de Colchide Jason,
Per varios Pelagi scopulos jactatus, & undas:
Sic pariter Patriæ, carissima ditior intus
Inq; Tuo redijt radianti pectore gaza:
Ille nitor mentis tersissimus illa profundi,
Vis animi, sensusq; gravis, cum nectare, Svada
Majestas calami, Trabeæ dignissima tantæ
Exactæ magnæq; Tuæ lux aurea mentis.

Nec mora suspexit Vavelli gloria montis,
Hic ubi Craciacæ Cathedræ præclara Virorum
Semina Præfuleis crescunt fecunda Tiaris.

*Fit Canonici
Cracovi-
ensis*

In Te præclaras dotes, scitèq; locavit
Inter inauratas sacri culminis aras.
Inter & electas mentes, & gemmea corda
Sacri cætus, quorum sapientia præstans,
Et dilecta Tuis niveis cum dotibus, & cum
Svavibus officijs. Huc Te felicibus alis
Deportavit honor: Stalli ternasq; Coronas
Floribus in roseis ternis ornaverat ipsas.
Egregio calcata gradu Fraterna movebant
Arcano Superum placito vestigia, nam Te,
Ad similes passus, solido luctamine mentis.
O quantum clarus Fratrum quinaris ordo
Vertice Vavelli Craciâ præfulsit in arce,
Per raro memori numero, probitate coruscans
Vitæ, præclaris meritis, dulcedine morum.
Insignes cuncti, virtutis odore fragrantés,
STANISLAVS Primas MICHAEL Paphensis & Abbas
CHRISTOPHORVS Varmæ Ducis insignitus honore
ANTONIUS, LVDOVICVS, stalli culmina Craci
Omnes scandebant animo similes, cor idemq;
In cunctis inerat, tum spiritus unus & idem.
Verum necq; satis fuerat Tibi, Cracidos altæ
Munera Sacra tenere Togæ, ternæq; Coronæ
Vavelli clarum Myrtam diademate cingi:

E

Sed

*In Alma Aca-
demia Craco-
viensi publicè
promovetur
ad Doctoratū
Sacra Theo-
logia.*

Sed Te laurigeras inter frontes, Academus
Doctorem Craci statuit, redimitus ut esses
Theologi Doctoris præcinctusq; coronâ.
A Cathedris igitur binis, succrevit abundè
Fama Tuæ laudis; turmatim jamq; subibant
Atria, laurigeræ famuli virtutis Honores

Viderat AVGVSTVS Regni tranquilla potestas
Bellator, Patriæq; Pater, qui tempora nobis
Aurea de ferro gemmisq; nitentia fecit
Pacificus Princeps, qui sub socialibus armis
Viscera dum Lechiæ disrumpebantur acerbè
Disparibus votis, Regniq; medulla peribat:
Ex animo mærens, finem feliciter illis
Et bello posuit; sævos clausitq; furores
Sanguinei Martis. Quantum præclarior illis
Principibus, qui cum decreti jure triumphi
Per stratos hostes, per colla revincta catenis,
Per vinctos post terga Duces, Regesq; potentes
Insolitâ pompâ, Capitolia prisca subibant;
Ipse bis AVGVSTVS clemens civilia corda
Victor non armis, sed Patris amore triumphat.
Quid mihi si videam, rigidi pallentia Martis
Justa triumphorum prisca solennia ritus?
Ad celebres operis pompas formasq; triumphi
Heroas Elephantorum vel mole tremenda
Scipiadas vectos, Lybiæ post bella subactæ:
Si potuit Civis decus hoc auxisse vel unus
Pileolò tectus, liber servatus ab hoste
Culleo, victoris currum post terga secutus.
En Tua jam Princeps, gemmarum grandine tota
Pulchrius ut quondam Pompei fulsit imago,
Effulget super arce Jovis, pluresq; coronas
Et plausus capies populi fortissime Regum
Quam Cæsar meruit: quoniam Clementia Tecum
In solio posuit Sedem. Servare salutem
Unius Civis curas, quàm perdere mavis
Innumeros hostes. Concordi pace ligasti
Omnia, belligeri concludens limina Jani.

Sarmata per Regnum positis strepitantibus armis,
 Te jam lætus amat; Te Patrem pronus adorat,
 Ad Sacræ plantas Trabeæ, Te gestit, & ambit.
 Tu carus Patriæ carissima vincula nostris
 Leniter innectis Tua, cordibus, atq; beatos
 Imponis nexus, hæc perq; trophæa triumphas.
 Viderat ut retuli Princeps, ac viderat intus
 Te: censura bonæ mentis, praxisq; suprema
 Et Judex animorum; sic totumq; probavit;
 Quid valeat facies mentis cultissima tota,
 Tota, capax grandis meriti, par rebus agendis.
 Hinc Tibi cor Patris, diductaq; viscera cordis,
 Credidit arcani, fieres conclave beatum
 Consilij Secreti. Regni Major ut esses.
 Secretarius exactus, prudensq; Minister.

*A Sereniss-
 mo Rege Au-
 gusto II. Se-
 cretarius Ma-
 jor Regni re-
 nuntiatur.*

Tu Judex Themidis tuleras responsa Polonæ
 Undiq; mente nitens, majoribus undiq; curis
 Auctior, assurgens meritis, sua jura ministrans
 Cunctis: æqualem nosti librare bilancem
 Justitiæ; nullumq; scelus permansit inultum,
 Nec virtus violata malis, Te Judice justo.
 Quisq; gemens pressus per Te solatia sumpsit
 Accessu facilem coluit Te turba Patronum,
 Te defensorem justî, Themis ipsa canebat.
 Circumquaq; Tuam dextram stipabat amicam
 Integritas, probitas, decor illibatus honosq;
 Innocuæ vitæ candor, vigilantia zelus.

*Judex Depu-
 tatus ad Tri-
 bunal Regni.*

Luxerat illa dies quâ Lucia clara per orbem
 Sacra DEI Virgo, festivis ignibus arsit
 Accenditq; rogos plenam splendoris ad augem.
 Ingressus primi, dum Miechoviana petebas
 Tecta Domus, Solymæ nostræ, jam Præsul & Hospes.
 Et quamvis nubes densa caligine cælum
 Volvebant, cecidêre nives, cum grandine mixtæ,
 Et gelidos imbres protunc adduxerat Auster:
 Te veniente tamen subito clarissima rerum
 Momento facies redijt: Zephiriq; sereni
 Effudere polo spiracula dulcia toto,

*Prepositura
 Generalis Mie-
 choviensis à
 Sacra Sede
 Apostolica
 decoratur.*

*Ipsa die S.
 Lucia ingre-
 ditur eandem
 d. D. 1712.*

Incaluitq; dies ostro flammante sacrato
 Præsuleus primus: flagrans nam gratia passim,
 Et placido vultu Tua nos, & corde præbat.
 Hic ubi Custodes stant purpureæq; cohortes
 Excubias obeunt, ad Sacri busta Sepulchri,
 Victoris CHRISTI victricia signa canentes:
 Tu Vigilum Præses, nocturnis, atq; diurnis.
 Horis intentus, precibus sacrisq; vacabas.

Jamq; Tibi Princeps ex hoc vernante Sepulchro,
 De quo surrexit Victor redivivus ab orco,
 Implantans tumulo palmas, vernantia Tempe
 Restituit mundo, Floralia festa reclusit,
 Purpurei flores creverunt; atq; Tiaræ.

*Post mortem
 Illustrissimi
 Reuerendissi-
 mi Wolff, Epi-
 scopi Chelmē-
 sis in locum
 eius succedit.*

Namq; brevi postquam paulo, cælestia, rebus
 Humanis exemptus WOLFF decreta secutus,
 Chelmensem meruit lachrymis, bustoq; Tiaræ
 Rex cernens bustum, vindex cui dextera præsto
 Ut vincat furiale malum: sursumq; decoram
 Restituat Chelmae faciem: floremq; rependat:

*Clemens XI.
 Pontifex Ma-
 ximus ad
 Episcopatum
 Chelmensem
 eius evectio-
 nem appro-
 bat.*

Vitales supplendo vices: quo scēla coronet.
 Chelmenensis Mitrae decora & conclave Senatus
 Excelso referans animo Tibi sponte dicavit.
 Ambituq; Tuo procul accedente Supremi
 Pontificis sensu, qui nil sibi carius unquam,
 Duxerat in vita, quàm Te probitate coruscum
 Pastorem fieri, quem Romæ noverat olim.
 Adstas Lovicias jam consecrandus ad aras,
 Agnus, ab innocuo SZEMBEK dilectus ab ævo,
 Vellere purpureo gravidus, totusq; venustis
 Floribus Aleinoi, Fratrum, cinctusq; coronis.
 Tu Præsul CASIMIRI pascebaris & inter
 Lilia mista Rosis, cujus Translatio Divi
 Fiebat Festi: quando Tua candida vita

*Lovicij con-
 secratur in
 Episcopū Chel-
 mensem à
 Celsissimo
 Principe Ar-
 chiepiscopo
 Fratre ger-
 mano in festo*

Assumpsit Capitis niveam pro vertice vittam.
 Ipse Sacerdotum Princeps, sacraverat Agnum,
 Pastoremq; simul: pretiosaq; cornua Mitrae
 Inseruit Fronti gemmis auroq; refertæ.
 Cujus & ille fuit pretiosis de omnibus una

Acui

*Translationis
S. Casimiri
in Augusto,
A. D. 1713.*

Ævi Pontificum nostri pulcherrima gemma.
Gemma fuit semper flagrans in Principe zelus
Pro re Divina, pro Cleri paupere censu:
Proq; Domo Domini, Templorum proq; nitore
Prudens, nocte dieq; suum ferventibus ussit
Vindicijs pectus. Sublimi mente fideq;
Omnia judicio recto, sanctèq; peregit.
Implevitq; suum felici tramite munus
Principis, ac Primatis. nam constantior omni
Fortunæ Genio: sub tanto turbine rerum
Quando ferocibus armis dilaniabat ab una
Svecus, & ex alia Moschus lacerabat utrâq;
Parte potens Regnum: distractum sicq; penibat
Disjunctis animis intus Civilibus. Ipse
Inconcussus Atlas pro Majestate Coronæ
Supposuit validos humeros: labefactaq; jura
Restituit: convulsum Majestatis honorem
Ac priscum Regis cultum, stabilivit utrumq;
Præsulis hinc etiam partes, impleverat æquè
Mystrarum vitam, mores, actusq; recensens
Ipse suis proprijs oculis, ac mente sagaci,
Templorumq; decus: Pastorum munia, ritus
Officij Sacri, doctè scrutatus, & urfit.
Vasta Diœcesis magè sed vastata per annos
Complures, & ubiq; ruens: res ardua Cleri
Ac consumpta manens; crebris furialibus armis
Restauranda fuit. pollutis deniq; Templis
Restituendus honor, priscæ pietatis, & ordo:
Sorbebant animam puram per tædia mille
Sollicitæ curæ: succurrere namq; necesse
Afflictis habuit rebus; consurgere rursus
Bello vastatas igitur Princeps opulento
Fecerat ære suo supremi Numinis ædes.
Vsis augustis Superùm, tot munera, totq;
Vasa Ministerij Sacri, quot Tempia recensens
Indiga, pauperie renitentia, squalida, nuda,
Confert: ac tribuit calices & vestibus illa
Sacris exornat; pia tot monumenta relinquens

In Templis ipoliatis, quot vestigia fixit.
Aurea Gnesnensi Cathedræ pretiosaq; plura
Vestibus in Sacris, argentea donaq; liquit.
Non damnavit opes tenebris, Patrimonia CHRISTI
Nec tenebricosis ac tristibus abdidit umbris.
Omnia sed CHRISTO, Sacratæ ædibus ejus,
Pauperibusq; locis, etiam post fata dicavit.
Concidit heu solido facta ex adamante corona,
Flos Capitis nostri, Princeps, primusq; Senator
Mole sub ingenti meritorum, secula nostra
Ingemuere cui, præsentia cuncta gementq;
Eheu vix habitura parem. cui deniq; nulla
Par calami vis est: ut totum dicat, & orbi
Proferat; astq; DEO cui conjunctissimus hæsit,
Notior ex meritis; qualis nam vixerat uno
Totus in arcano Divini fixus amoris,
Talis in extremis moriens in vulnere cordis
Vivifici CHRISTI lateris, præcordia svavi
Tota Cruci dederat, cui fixit & oscula mille.
Cumq; animam meritis satur, exhalaret opimam,
En examen apum sensim cum murmure læto
Advolat, & revolat, nunc limina, nuncq; fenestras
Pulsat Heri morientis: nunc jam lilia circum
Melligeræ funduntur apes, & floribus Horti
Insidunt varijs. celeri densq; volatu
Sparsæ per roseos flores, qui Stemma vetustum
Formabant: saltusq; suos & olentia nactæ
Pascua, jam ceras, jam dulcia mella reportant.
Mellis apes innatus amor si traxit habendi,
Ad roseos flores; cur non flectetur ad illos
Posteritas: cujus dum grandia facta revolvit
Principis illimem vitam, cum melle relictam,
Et totam releget; fructus habitura perennes,
Melliferâ gaudens veluti pascetur in Hybla
Archipræsuleam vitam, tot gesta, tot actus
Hactenus in seriem ductos, cæloq; nitentes,
Jam Divina manus longum signavit in ævum.
Nos sequimur Chelmam quo Tecum tramite pulchro
Du-

Duxit Fratris amor cujus vestigia passu
In puncto simili servas, dotesq; vel æquas.

Venerat illa dies quâ Sponsam Pastor adibas
Lumine clara Tuo, sed majus lumen adauxit
Magna DEI Mater nitidi prænuntia Solis;
Cujus Natalem protunc celebraverat orbis
Hæc Tibi fulgidior Virgo præluxerat inter
Festivos populi plausus: ignesq; micantes.
Auspicijs Divinæ Matris adeptus Honores
Jam felix intras Cathedram jam nomine Terræ
Chelmenfis veniunt Proceres, solennia fausti
Ut voveant gressus: & læta fronte saluent.
Undiq; vis populi surgit, prænobile jungens
Officium. Prælatorum, Cleriq; Corona
Non adeoq; frequens, sed Te dignissima cingit.
Prælatus Delamars niveo, ceu lilia Svadæ
Eloquio vernante suo, promit ore salutem
At Tu respondes itidem roseoq; rotundo.

*In festo Na-
tivitatis B.V.
MARIE in-
gressu ad
Cathedram
Chelmensem,
A. D. 1713.*

Postquam Crasnostavia Sacra Sede locavit
Pontificem, Zamoyscia Te populosior ambit
Et spectat; pariterq; vias & brachia pandens
Complexus dulces & Ave designat amicum.
En ZAMOYSCIVS & Lechicæ pulcherrima Gentis
Gloria, tutamen Cleri clarissimus idem
Ex Atavis meritq; suis virtute decorus
Excipit occursum festivo sanguinis alti
Pontificem, faustoq; aditu deducit in Urbem.
Funditur interea Comitum longissimus ordo
Resplendens facies Magnatum læta quadrigis
Occurrit niveis. Urbis densissima longe
Agmina funduntur vexillis undiq; pantis,
Classica tum sonuere tubis; æs nobile passim
Auditur, Lechicusq; movet sua tympana Mavors
Jam litui sonitu, tormentaq; bellica circum
Mænia flammigeris mugitibus æra complent.
Armaq; corripunt oculos, fulgentia latè
Ac longo tractu, circumstantesq; Phalanges
Hoc ductu Tu Præsul ovas, portasq; subintras

*Cum plausu
ingreditur
Urbem &
Fortissimum
celebre Za-
moyscium
sua Diocesis.*

Vrbis mille vijs populi, deductus ad Ædes
Franciscanorum primo, plausuq; secundo
In primum Templum penetras Zamoyscia virtus
Heròum pia magnificè quod surgere fecit.

*Prædicat
verbum fre-
quenter ad
populum.*

Præsuleas curas, condensatosq; labores
Quo vocat & pietas, & Cleri postulat usus,
Irrequietus ab hinc animo feliciter urges,
Et facis, ut dones communi Teq; saluti.
Audijmus sensimq; redit, memorabilis illa
Eloquij dulcedo Tui, cum verba referres
Ad populum Divina piæ plenissima vocis,
Doctòr in Exedrâ Sacrà, mentesq; trahebas
Instabiles humanas, ad meliora salutis
Æternæ bona, tam verbi sermone disertò
Quàm magis exemplo morum, vitæq; probatæ
Pungebas vitium spinis, virtutibus autem
Stillabas vires, simul ac de fonte Rosarum
Vno & eodem, gens scarabæa necem tulit: unde
Hausit apìs vitam. De Te referamne quid ultra
O Præsul? modicâ mihi, quæ testudine nixo
Audacis Musæ spes? & non æqua potestas.
Lucis opus tantum tenui deducere cantu?
Tu lux, Tu mensura Tui, Tu maxima laudum
Ipse Tibi series, curis majoribus olim
Digna secuturi SZEMBEK Tu gloria scæli.
Ipse Sacerdotum Dux, Sacramenta salutis
Ac sine delectu cunctis, dum cuncta ministras
Ignaras animas lucis, tunc luce replebas
O verè Pastor. Multarum copia rerum
Depluis in Sacros cultus, prædivite quali,
Me verbis inopem reddit. Tua dextera namq;
Aurea vena Tui, vivis & tota fluentis
Semper inexhaustis manans: est facta perennis
Rivus egenorum, vultu quemcunq; tueris
Sol veluti sterilem glebam: sic messe beata
Vndiq; fecundas: miseris singultibus Echo
Eripis, & tacito Præsul qui perstrepis auro.
Vestiturq; Tuo tenero de vellere pauper.

*Pauperibus
providet ali-
moniam ve-
stes quotianis
illis distribuit*

Carum

Carum Sponsa suum Sponsum, proprijque Coronam
 Te coluit Capitis: Tu gloria Sponsus & omne
 Cor fueras Sponsæ: dilecti dulce monile
 Pectoris: ornatam totam, totamque decoram
 Reddideras illam. Rutilant altaria Diuûm,
 De manibus plenis, auri veluti que sodinis,
 Quina Cathedralis Templi, vestita metallo
 Sat nitido, primo, gravidi fulgoris obrizo.
 Devicit tenebras, tristem noctemque priorem
 Majestas aræ majoris, deinde JOSEPHI
 Et Lipsanorum, SACRAMENTI que Sacellum:
 Cernitur ad cujus postes, inscriptio versus
 In Cruce quem cernis, sub velo panis adora:
 Claromontanæ Divæ quoque Virginis ara.
 Atque Pavimentum per totum marmore stratum
 Et subvecta tholo surgens Ambona peralto,
 Aurea Divini Verbi, stat, & aureus ore
 Præco salutaris: pretiosis vestibus imples
 Arte laboratis Phrigiâ Sacraria Templi.
 Pontificale decus, quod Maciejovius olim
 Contulerat, Mitram: sed in illa gratia textus
 Nulla fuit, totam tenui discernis in auro
 Ornatumque novo, gemmarum flamen in ostro
 Disponis: depinxit æquis formosior ipsam
 Ac meritum pretiumque dedit. Templique sub astra
 Tectis educatæ, tollis fastigia Turris.
 Aedes Pontificum restauras: semina Cleri
 Spargis, ut ex illis Mystrarum cultior ordo,
 Messis, & exundans secundâ crescat aristâ
 Sic Sponsam splendore, Viris, censuque perenni
 Ornatam reddis: ratus id quod pulchrius aræ,
 Templaque flore bunt, quæ Tu florere curas:
 Si Clerus nitidis, ac cultis stabit ad aras
 Moribus excultus: roseoque rubore virescens.

Tu vitam moresque probos: actusque recensens:
 Excubias Pastorum: Templorumque nitorem
 Et per mille vias: per tot distantia, totque
 Invia terrarum, fluvijque rapacibus hausta

G

Ponis

*In Ecclesia
 Cath: Chelm.
 Altare maius
 S. Josephi,
 Reliquiarum
 SSmi Sacra-
 menti B. V.
 Mariæ Cze-
 stochov. ex-
 strui & de-
 aurari fecit.*

*Pavimentum
 marmoreum
 ibidem ster-
 ni curat.
 Ambonam
 novam deau-
 ratam erigit.
 Sacras Vestes
 apparatusque
 varia compa-
 nit & appli-
 cat.
 Insulam Pon-
 tificalem re-
 format, ac
 pretiosorem
 reddit.*

*Turrim altig
 erebit & co-
 tegit are.
 Aedes Ponti-
 ficum re-
 staurat.
 Seminarium
 erigit.*

*Per seipsum
 visitat omnes
 Ecclesias Di-
 ocesis sue.*

*Ecclesias &
Altaria, Ca-
lites Abbatif-
sas consecras.*

Ponis gemmatis vestigia digna coronis.
Consecrasq; DEO radiantes Numinis aras,
Vestales Sacras: pretiosaq; vasa dicata
Plurima sunt per Te Superis. Sed calitùs illa
Jam signata DEO fasti clausere perennes.

*Synodum in-
dicit, & ce-
lebrat Crasno-
stavia.*

Dumq; vigil Pastor Sacrum disponis ovile,
Legibus ut stringas, Synodumq; indicere Clero
Prægrandi (cura) statuis. Pulcherrima rerum
Occurrit facies, quam Crasnostavia cernit
Vix quarta vice post tot secula terna reductam
Culta Diocesis, tum spectatissimus ordo
Mystrarum, seriesq; DEO gratissima, totos
In se oculos rapuit. Senio venerandus & ore
Ipse tiaratus Chelmae Vladica JOSEPHVS
Cumq; Sacerdotum Græci ritusq; corona
LEWICKI: tot Prælatorum nominis alti

*Reliquias SS.
introducitur
processionali-
ter ad Ca-
thedram.*

Pontificem numerus Te digno duxit honore
Ad Cathedram, plausu populi: nam plena triumphi
Corpora Sanctorum Cathedrali Sede locabas
Auspicio Synodi. Sic justo pondere rerum
Condebas leges, ut eas moderamine dulci
Condires, nimio, duroq; rigore nec arctas,
Nec molli fecisti libertate solutas.

Nempe viâ solitâ, qualem vestigia Patrum
Monstrârunt tritam, Tu devia cuncta reducis
Ad normam veterem Legum. Tu dogma nocivum
Jansenijq; novum reprobas. Sancita tueris
Pontificum: Regni servasq; statuta Poloni.
His Judæa cohors, infida, molesta, rebellis,
Legibus antiquis constricta Tuisq; tenetur.

*Cōstitutiones
Synodales
condit.*

*Ex bonis Pæ-
nitentiis expel-
lit Judæos a-
lq; Diace-
sis sua locis.*

Gens recutita, Bonis mensam spectantibus, abs Te
Est exacta Tuis. nullo præventa labore
Lætas Rosfiacas Terras exhaustit: & ipsos
Sic parvo Dominos lucello semper inescat!
Vt pingves rapiat glebas, & corda Potentum.
Hanc servare dies urges, quoscunq; fidelis
Observat populus festos: gentiq; superbæ
Inservire vetas, junctos habitare vicissim

Catho-

Catholicis prohibes. Hinc jam mihi vellicat aurem
 Hæreticis semper virtus inimica tot Hydris,
 Romanæ fidei candor, defensaq; zelo
 Vindice causa DEI. Ritus & plura sacrata
 Templa Deo Grabow, Mostek, Cathedrale per arma
 Militis indomiti, quæ tunc violata manebant.
 Sollicitis studiis immunia Jure tulisti.

*Hereticis in-
 festus.
 Immunitates
 Ecclesiarum
 tuetur, &
 Jure vindicat
 Grabow, Mo-
 stek & Ca-
 thedralis.*

Tendimus ad montem, de quo clarissima Matris
 Gloria Divinæ, per tot miracula fulget,
 Virginis Augustæ, totum rutilatq; per orbem.
 Præfuleus certabat honor, quis ferre Coronam,
 Quis redimere Caput, Regina Virginis Almæ
 Iconis insignis posset: SZEMBECIVS unus
 Vicit Pontificum passum. potiore Coronam
 Sorte tulit Divæ, quam Præsul Sfortia quondam
 Disposuit Romæ, testamentoq; reliquit.
 Maximus ac Pastor Sacrorum Gloria Clemens
 Romuleæ speculæ Sacro de vertice spectans,
 Pro cunctis vigilans, hanc dispensavit in oras
 Sarmaticas nostras, Thaumaturgæq; dicavit.

*Imaginē mi-
 raculosam
 Czesochow:
 solenniter co-
 ronant.*

*Alexander
 Sfortia Co-
 mes Præsul
 Canonicus SS.
 Apostolorum
 Petri & Pau-
 li in Vaticano
 Autor & fū-
 dator corona-
 rum, quibus
 coronantur
 miraculose
 Imagines in
 varijs locis
 sub Clemente
 XI. Pontifice
 Max. sit actq;
 coronationis
 cui largitus
 est maximas
 gratias & in-
 dulgentias.
 In festo Be-
 atissimæ Vir-
 ginis Mariæ
 Nativitatis.*

In terris Natæ solennia festa MARIÆ
 Tunc fuerant: aurora genas dum vertice cæli
 Protulit ut primum: liquidos Solisq; jugales
 Præveniens, cum rore diem signavit amicam.
 Mente vigil, grandes agitans in pectore curas.
 Impatiensq; moræ, primus molimina Præsul
 Incipis atq; vices cunctas disponis ad actus
 Solennes: crescit populi vis maxima circum
 Acceleratq; vias: nubes densissima campos
 Obruit, exceditq; oculos tenuitq; videri
 Tota simul populi devoti: gentibus ex tot
 Diversis Alemannis, Pannonijsq; Bohemis,
 Silesijs ac Littauicis, alijsq; remotis
 Conflatis, ingenti concursuq; stupendo
 Ad tales actus, & sacra festa Coronæ.
 Hic velut Oceani (quoties immania surgunt
 Flamina ventorum, Borea certante, Notoquæ,
 Instant cærulei fluctus) sursumquæ deorsum

*Fit Processio
 solennis cum
 concursu quā
 maximo po-
 puli.*

Emotis fundo rursumq; cadentibus undis.
 Fluctivaga sic mole ruit: sic turba refluxum
 Immenſi populi recipit. fit clamor & inter
 Miſcentur lachrymæ dulces, & gaudia læta
 Panditur interea facies pulcherrima viſu
 Hinc Mitratorum plenus longiſſimus ordo
 Abbatum Te cingit Pontificumq; Tiaræ
 Hinc rutilant gemmis, ardent & mille pyropis.
 Inde ſubit numerofa Viris; auguſtaq; toto
 Conſpectu facies; primi de flore Senatus
 Seu Procerum Regni, ſeu fors de Principe cætu
 Heroûm, belliq; Ducum, peregrinus & omnis
 Auctus honos: & Pauliadum ſtans candidus Ordo,
 Expansos tractus, & Majeſtate verendam,
 Celſius attollit Scenam. Tu pronus ad aram
 Præſuleam ſternis Trabeam, CHRISTIq; Parenti
 Tecum ſupplicat omne genu, ſolvit pia vota.
 Ocyûs hinc ardens ſummiſ diadema pyropis
 Moleq; gemmiſerâ gravidum, SZEMBECIA tota
 Quod devota DEO Domus, exornaverat aprè
 Gemmiſeris claudens proprio de viſcere gazis,
 In Caput Auguſtæ deponis imaginis ipſum.
 O nimium dilectæ DEO, cubitale JOANNES
 Dilectus quondam tenuit ſi pectus JESU
 Diſcipulus CHRISTI: Matris dilectæ ſecundus
 Tu Caput es meritus, ſacrâ redimire Coronâ.
 Mille per anfractus reboant, tormentaq; ſceta
 Pulvere ſulfureo poſthac: mugitibus implent
 Omnia; Reginæq; ſuæ munitio Clari-
 Montis in applauſu fervet. natura manuſq;
 Robur ab arte dedit cui murus aheneus ut ſit
 Lechiadum Regni; loricis, ceſpite vaſto,
 Rupibus exſectis, vallo ſoſſisq; profundis
 Firma gerit circum tot propugnacula: verum
 Matris Imago tamen plus quàm fortiffima Turris.
 Poſtridiè doctè Studiij certamen obiit
 Theologum Claromontani: dogmata cuius
 Oppugnans facili methodo, palmaria ſerta

Imponit Ca-
 piti Imaginis
 coronam de-
 votiffime &
 affigit.

Fortitij
 Czeſtochovi-
 enſis deſcri-
 ptio.

Concluſiones
 Theologicæ
 in Claromon-
 te oppugnat.

Inde

Inde tulit Sapiens virtus Tua, digna Coronis
Quippe Tibi constans semper, par omnibus & se
Ad quodcunq; genus Studij, Svadâquè Styloquè
Insinuans, ignavæ mens inimica quieti
Acri judicio pollet: sat provida cautis
Vndiq; consilij, prudens, & nescia frangi.

Vertis iter retro Crasnostavumquè reposcis:
Præteritos actus devotâ mente revolvens
Vt similes iterum facias renovesquè futuros.
Nec mora. Rossiacas insignis Imaginis hujus
Quæ Belzæ latuit, quingentos usq; per annos
Floreat ut cultus, latas rursusquè per oras
Continuâ curâ statuis. Disponitur ergò
Ara nitens Divæ, rutilo visenda sub auro
In qua persimilis primæ statuatur Imago
Claromontanæ Genitricis, major ut inde
Crescat in immensum Laus Nati, Gloria CHRISTI.
Ad celebres actus, cunctos quoscunquè fideles
Illicio svavi trahis; ut pro tempore fixo
Convenient. Celeri passu glomerantur, & instant.
Effusæ populi per diffusa compita turmæ.
Effigiem Matris summo dignantur honore.
Præses Sacrorum Summus, Pater Orbis & Atlas
Devotas animas per nutrimenta salutis
Divinâ firmavit ope: concessaquè plena
Spes veniæ cunctis. O quanto Præsul amore
Ardebas! non sat Tibi, Divæ tempora Matris
Claromontanæ, Sacrà cinxisse Coronâ
Inq; Tuâ Cathedrâ fieret nisi, clara coronis
Cara DEI Mater, simul ac constringis in uno
Corde pio LVCAM, Divinum pronus adoras
Artificem pariter: Sacram cui ponis & aram
SKIERBIESSI, dignum censendo luce perenni
Qui dedit in lucem tam nobile Matris amoris
Artis opus. Verùm septem labentibus annis
Postquam Chelmsensem sublimi mente, fideq;
Illæsâ Cathedram, cautè, sanctèq; tenebas,
Ornatam multis meritis, donisq; peramplis.

*Crasnostavum
revertitur,
& Imaginem
persimilem
Czestochovi-
ensi ad Ca-
thedram
Ecclesiâ pro-
fessionaliter
introducitur.*

*Indulgentias
ad hunc actû
plenarias im-
petrat à Cle-
mente XI.*

*Imaginis mi-
raculose Arti-
ficem D. Lu-
cam honorat;
eidem in
Skierbieszow
Curia Episco-
patis Capella
erigendo ab-
sque.*

*Transfertur
ad Episcopa-
tum Premys-
liensem post
translationē
ad Cuimen-
sem Illustris-
simi Bokum.*

*Montem pic-
tatis Rzesz-
ovia resusci-
uit & adau-
get quęp sū-
davit Lucas
Doctorius
olim Canonici
Cra.ovi-
ensis.*

*Brzozovia
Parochialem
Ecclesiam ve-
tē structurę
insignem
in Collegiatā
erigit.*

*Summus Pon-
tifex iubet
Collegiatam
feri.*

*Nosocomium
pro sacerdo-
tibus valetu-
dinariis or-
dinat cuius in-
tuitu 22. m.
aliosq; pro-
ventus dispo-
suit.*

*Proprio sum-
ptu aliquos
alumnos fo-
vet in Semi-*

Protinus ut decreta Poli jussere Mitrato
BOKVMVM cessisse loco: Culmense Tiara
Altius evectum: jam Te Premyslia læto
Suscipit ex animo: per gaudia mille triumphans
Quod sibi totus amor venias, & tota JOANNIS
Gratia sit Tecum, fons vitæ lætitiæquē
Ipsa medulla Sacri cor & dilectio Cætus
Ipsaq; Cristallus nivæ perlucida mentis.
Namq; Diœcesis miræ dulcedinis in Te
Omina concepit, felicibus omnia votis
Eventura sibi: quoniam sperare jubebant
Gestorum monumenta prius, præclara Tuorum
Quod fieres ipsi demum speciosa coronis.
Suspendos animos nunquam spes vana fefellit,
Nam quoq; Rzeszovi montem pietatis adauges.
Fundamenta pius LVCAS Doctorius olim
Jecerat: ut populi promptum mortalis egestas
Sumeret auxilium. Regimen stabilisque salubri
Cujus decreto. justum superaddis & aurum.

Censuit hoc virtus & prodiga sumptibus amplis
Dextera plena Tuis: ipso vel ditior auro,
Quatenus in Brzozow vernans insigne maneret
Hocce. Tuæ pietatis opus: dùm surgere mandas
Illam quæ jacuit simplex Ecclesia quondam
Ad titulum Collegi: Pro! retinere Togatos
Præstantesq; Viros ubi stat Residentia cara
Pontificum, quis? quantus honor? quæ gloria Templi.
Christiadum vertex Romanâ Sede coruscans,
Favit ab excelsa, Sanctas operasq; probavit.

Emeritus miles, rude si veteranus ut olim
Depositis armis fuerat donatus, & altus
Vrbis communi victu, censuquē parato.
Viribus exhaustos, senio fractosquē labore
Presbyteros refoves: alimenta, locumq; ministras
Nudos veste regis. potum sitientibus offers:

Te SB&SKI Patruī Materni Spiritus altus
Ac sacro fervore calens, incēdit ad actus
Divini cultus; nam per quem Missio Patrum

Hic

Hic fundata stetit, complex, & ponis alumnos
Majori numero Cleri quin cultior ordo
Ut fiat vigeatquè DEI Sacra Vinea fetu.

In Brzozow Templi binæ fastigia Turris
Impensis evecta Tuis, ad sidera tollis
Immortale Caput pariter Nomenq; perenne
Illa Tuum semper referent tollentq; vicissim.

Putrida Premysli reparas Tu tegmina Templi
Atq; pavementum Cathedralis marmore sternis,
Picturis ornatquè Chorum, modulamine dulci
Æternam parget famam resonabilis Echo
Regia donorum depromis larga metalla
In sacros usus, varium Templiq; nitorem,
Vestibus hinc Sacris renovas Sacraria Templi
Nil vacuum gemmis, nil quod non purpura texat.
Sidoniusq; color. nil hic non fulgurat auro.
Inde novis binis Tua Gratia fulget in aris.
Major & ara nitet rutilis fulgoribus auri,
Atq; viret sparsim vario discreta colore.
Deq; Tuis holosericeis decoratur abundè
Aulæis Templum donisque, Ciboria Sacra
Argenti niveo cernuntur cusa metallo.

Et cum tot facias, tot prodigialia dona
In cultus tribuas Superum, tamen ipsa redundant
Munera frugiferæ Cereris, cunctisq; replentur
Atria pulchra bonis. Et Radomienſe Tribunal
Quas non hausit opes? dum pro ratione tuendi
Proquè decore status cautè dignequè ministras
Prælidis Officium. Repetisti Cracidos Urbem,
Hic ubi confurgit moles pulcherrima Templi
Numine digna DEI: dilecti Nomine talis
Digna Tui Fratris. Sociâ virtute ferebas
In fundum primum lapidem, fundamen & ipsum
Conſecrando piè. Regum ſi Regia ſurgit
Sumptibus immenſis; Æterni Manſio Regis
Fundatur pariter ſic: Cancellarie Magne,
Namq; putas alibi non pulchrius omne nitere
Aurum, quàm quod cæleſtes formatur ad uſus.

H2

vario Congr.
PP. Miſſiona-
riorum, quos
fundavit Il-
luſtriſſimo Sba-
ſki, Episcopus
Premysl. Pa-
trius Ma-
ternus.

Tectum teg-
lis latericijs
curat.

Pavimentum
marmoreum
sternit.

Chorū pictu-
ris decorat.

Pluvialia
varijq; colo-
ris apparamē.
in confert.

Prima Alta-
ria deaurari
curat.

Aulæa holo-
sericea vulgo
de Adamasco
Venero Eccle-
ſiæ donat.
Repositorium
ſeu Ciborium
pro SSmo ar-
gentū quor
ulnarum al-
titudinis ſe-
ri curat.

Præſes & Su-
premo Juxta
Tribunalis
Radomienſis
per aliquot
annos.

Primum la-
pidem impo-
nit Templo &
benedicit fū-
damentum illig
quod Supre-
mus Regni
Cancellarius,
Ilлуſtriſſimus
D. Joannes
Szembek
magnificè a-
dificat.

Ergo

Ergo marmor ebur, gemmas, huc Magne JOANNES
Confers. O quot Tempia DEO formosa locabis,
Vna DEI, castæ mentis, si mansio Virgo.

Flammigeri Vatis nimium dilecta propago

*Allocutio ad
SS. Virgines
à Monte Car-
melo S. Te-
resie quibus
pro Novitijs
Montalibus
sumptuosè
Conventum
edificat idem
Illustrissimus
Cancellarius.*

Eliæ Magni qui vivus adhuc spatiatur
Inter odoriferos flores: vivitquè beatè
Hic Tibi continuò speciosa dicatur Eremus
Montibus in Sanctis Carmeli: celsa Polorum
Culmina conscendes cæli cum sidere terno.
Ver Tibi perpetuum viridantia gramina pinget.
Ac Paradisiacas sparget non una venustas
Delicias. Vobis præstabit Magna JOANNIS
Sacra Vestales, hoc totum gratia floris.
Hic æternus erit roseus, semperquè virebit,
Vnde piè nutriemini apes, & prata legentes
Tradetis Seclis cælestia mella futuris.

*Ecclesias sub-
montanas &
per Montes
Carpati vi-
sitat.*

Jam calamum Montana levant, quia Dædala virtus
Carpatij Montis loca, per prærupta, volatum
Pernicem dedit, & volucres pennas Tibi Pastor
Per varios flexus sita dum Delubra revisis.
Consecrata DEO, vitam, moresq; recenses
Pastorum, curas, ac Templorumq; nitorem.
Nil Te tristis hyems: etiamsi frigore saxa
Rumperet, & glacie cursus frænaret aquarum
Terruit. atq; cadens alto de vertice præceps
Nix resoluta jugi: nec Te tenuère rapaces
Carpatici fluvij, circumlatrantibus undis.
Ardua vicisti: flexisti devia rectè
Per montes, hominum mentes infracta domabat
Mens Tua: svavibus officijs, & dotibus, & cum
Eloquio dulci. Tandem Te cura fatigat
Grandis, & invictam mentem, viresq; perurget
Condendæ Synodi: studijs certantibus inter
Prælatos Cathedræ: quoniam Premyslia priscum
Ardebat servare locum, sedemq; futuræ
Vsurpare sibi Synodi, de more volebat
Judice Te justo verum Brzozovia compos
Fit desiderij, quam non temeravit Apella,

*Synodum
Brzozovie in-
dicta & ce-
lebrat.*

Sacræ

19
Sacra gens inimica Cruci: nec Schisma Ruthenum,
Hæresis errores non infecere fideles.

Hic fecundus ager: delectat messe beata,
Hic tellus campisq; virens, pratisq; redundans.
Vberibus, vitreis claret circumflua lymphis.
Hinc etiam celebri fama visendus ad Austrum
Pannonicas scindens à Nobis Carpatas oras
Vndarum nemorumq; parens, ad Dacas & Istrum
Cyclopæa velut terrarum brachia pandit
Immenso tractu: nec semper vertice calvo
Projicit in sublime caput: sed feta maniplis
Flava Ceres profert segetes, & Flora venustos
Alcinoi flores: & fontibus inclyta Nais
Vndarum scatebras; hinc atq; cacumina pulchris
Arboribus vestit Pomona suis; nihil hic est
Quod non oblectet sensus: oculosq; Sagaces
Non rapiat: quoniam totum natura venustum
Si quod opus per tot latè connexa reliquit,
Transtulit huc visu: tum cunctaq; commoda vitæ
Hic posuit saltus, spelæaq; plena ferarum,
Innumerum Pennatorum numerumq; còegit.
Et cum tot natura bonis, donisq; repleisset
Ipsa locum: multo celebris Brzozovia tandem
Fit Synodo: quam Tu prudenter Maxime Pastor
Perficies, ac ipsam felici fine coronas.

Venerat illa dies decades optata per octo
Annorum, supra: quamvis tractabile cælum
Non fuerat: quoniam pluvijs totumq; ruebat;
Mente serenata tractare negotia passim
Tu tamen insistis. Divum Lipsana Sacrata
Infers in Templum, cum Majestate verenda
Cum populi voto. Mystrarum splendidus ordo
Et Prælatorum Te spectatissimus Orbi
Ad Cathedram deduxit honos: Sanctèq; peracta
Omnia judicio sublimi, mente fideq;,
Ostendere Virum, qualem sibi jure tot annis
Rossiacæ Cathedræ Sedes optabat, honorq;
Legibus hinc formata bonis Premyslia viveret,
Et quoties avidis oculis, ac mente revolveret

Has leges, toties, vocem Pastoris amicam
Sentiet esse sui, qui cor & viscera tota
Pro Clero posuit, pro Templorumq; nitore,
Proq; Domo Domini, totus sudavit & alsit.

*Illustrissimus
Rndissimus
Franciscus
Szembek Epi-
scopus Mar-
garitensis
Suffraganeus
Premysl.*

*Consecutus
Iar. Marie ad
Ann. Bea-
tissima Virgi-
nis Maria
miraculosa in
Festo Trans-
lationis S.
Casimiri A.
1724.*

Pertinet ad Mitram, rerum speciosa Coronis
Per Te gestarum, nitidissimus Vnio Vestri
Sanguinis innocuo veniens FRANCISCVS ab ævo
SZEMBEK, quem roseo Nativi murece Flores
Ornarunt: Meritis qui debebantur honores,
Verius aut dicam, qui Præsul honoribus istis
Pridem gemma foret, tantas portasse Tiaras
Dignus erat. Quod namq; peto Premyslia posset,
Stans orbata Tuo vultu, solamen habere,
Hæc nisi de Pelago cælesti Margaris esset?
Cernunturq; simul tantos geminare decores
Lilia mista ROSIS, quibus est non ditior ulla
Ripa Tagi. Post Te his Opibus Præmyslia felix.

Hoc Tibi pro meritis, non jam testudo Pelasga
Parnassi veteris bifido de vertice carmen
Votivum cecinit: verum de Rupe Sepulchri
CHRISTI Custodum, Tua devotissima Chio.
Hic Tibi purpureis Princeps Celsissime nimbis
Depluet irriguum Pastana Rosaria Cælum.
Hic totus vives Roseus: quem Purpura bino
Murece condecorat: quâ Tu præclanior extas
Pontificisq; Ducisq; tenens Augustal honoris.
Per populos Te fama vehet: nec desinet unquam
Chelma loqui veras de digno Præsule laudes
Porro delictum proprii Capitisq; Coronam
Sponsa suum Sponsum, semper Premyslia dicet
Varmia Te poscit: felix procedeq; magnis
Passibus, ad decus hoc, tibi quod virtute parasti.
Nos quoq; Custodes, votis plenissima nostra
Barbita, cum Musis, totâ cum Pallade doctâ
Tollimus ad plausus: noctuq; dieq; canemus,
Vivat Honos, præcellus Honos, mansurus in ævum
Donec odorati durabit Gloria FLORIS.



XX. 1. 24.



Biblioteka Jagiellońska



stdr0031898

